



Халқ сўзи

2024 йил — Ёшлар ва бизнесни қўллаб-қувватлаш йили

1991 йил 1 январдан чиқа бошлаган

WWW.XS.UZ

E-mail: Info@xs.uz

2024 йил 24 февраль, № 41 (8664)

Шанба

Сайтимизга ўтиш учун QR-кодни телефонингиз орқали сканер қилинг.



Ёшлар бандлигини таъминлаш масалалари муҳокама қилинди

Президент Шавкат Мирзиёев 23 февраль куни ёшлар бандлигини таъминлаш чора-тадбирлари бўйича йиғилиш ўтказди.

Давлатимизнинг кучли ижтимоий сиёсатида ёшлар энг устувор йўналиш. Уларга сифатли таълим ва касб бериш, интилишларини қўллаб-қувватлаш доимий эътиборда. Ҳар бир маҳаллада “Ёшлар бандлиги дастури” амалга оширилмоқда, “Беш ташаббус олимпиадаси”, “Маданият карвони” тадбирлари ва турли фестиваллар ўтказилмоқда.

Шу йил 21 февралда Президент Фармони билан “Ўзбекистон — 2030” стратегиясини “Ёшлар ва бизнесни қўллаб-қувватлаш йили”да амалга оширишга оид давлат дастури қабул қилинди. Дастурда ёшлар муаммоларини ҳал қилиш ва салоҳиятини юзага чиқариш, уларни талаб юқори бўлган касб-хунарга ўқитиш орқали бандлигини таъминлаш бўйича қўллаб-қувватлаш белгиланган.

Бу йил “ёшлар баланси” бўйича 925 минг йигит-қизнинг бандлигини таъминлаш зарур. Шунингдек, коллеж, техникум ва олий ўқув юртиларини 300 минг ёш битиради.

Йиғилишда уларни ишга жойлаштириш, замонавий касб-хунарлар ва тадбиркорликка жалб этиш масалалари муҳокама қилинди.

Аввало, ёшларнинг бизнес билан шугулланишига қўшимча имкониятлар яратилиши айтилди. Оилавий тадбиркорлик дастури доирасида ажратилаётган кредитларнинг камиди 40 фоизи шунга йўналтирилади. “Ёш тадбиркор” танловлари ўтказилиб, голиб бўлган бизнес лойиҳа ва гоилар ағзалар хорижий давлатларга малака оширишга юборилади.

Мутасаддилар янги санат лойиҳаларида 100 минг, хизматлар соҳасида 150 минг, иш ўринларини легаллаштириш ва ўзини ўзи банд қилиш орқали 200 минг нафар йигит-қиз

бандлигини таъминлаш тўғрисида ахборот берди. Ҳозирги кунда ёшларбоп истиқболли соҳа бу рақамли технологиялар. Шу боис давлат дастурида “Ҳар бир маҳалладан икки нафар дастурчи” лойиҳаси белгиланган. Шунингдек, бу йил ахборот технологиялари соҳасида 70 минг ёшни банд қилиш режалаштирилган.

Бунинг учун қобилиятли йигит-қизларни аниқлаб, IT-касблар ва хорижий тилларни ўрганишига қўмаклашиш зарурлиги таъкидланиб, ҳокимларга тегишли кўрсатмалар берилди.

Ёшлар ишлари агентлигининг “Ибрат фарзандлари” лойиҳаси орқали 1 миллион нафар ўғил-қиз хорижий тилларга бепул ўқитилади. Мактаблардаги бўш синф хоналари чет тили репетиторлари ва ўқув марказлари учун бепул ижарага берилади. Қишлоқ жойларидаги ўқувчиларнинг ўзлаштириши юқори бўлган 100 та хусусий ўқув марказининг ижара харажатлари 6 ойгача компенсация қилинади.

Шунингдек, хусусий курсларда ўқиб “С-1” сертификатини олган ёшларга ўқиш харажатлари, немис, француз, корейс, япон ва хитой тиллари бўйича эса “В-2” даражаси сертификатини олиш харажатлари қўллаб-қувватланади. Яна бир янгилик — бу йил нафақат сертификат олишдаги имтиҳон харажати, балки олти ойлик ўқиш пули ҳам тўлаб берилади.

“Устоз” лойиҳаси доирасида 250 минг нафар ёш маркетинг, реклама, электрон савдо, IT-дизайнер каби 30 та замонавий касбга ўргатилади.

Аҳоли бандлигини таъминлашда қишлоқ хўжалигида имкониятлар кенг. Олдинги йилларда шу мақсадда 200 минг гектар пахта ва галла майдонлари қисқартирилиб, деҳқончилик

учун одамларга бўлиб берилган эди. Бу йил яна 60 минг 500 гектар ер ёшларга ажратилиши белгиланган.

Бундан самарали фойдаланиш учун янги тартиб ўрнатилиши қайд этилди. Унга қўра, туман ҳокимлари ерни сув таъминоти яхши ҳолидан ажратишга масъул бўлади. Ҳар бир ёшга қанча майдон ажратиш бўйича “маҳалла этилиги” таклиф беради. Ер олган ёшлар “Агробанк” АТБнинг “Фермерлар мактаби”да ҳосилдор экспортбоп экинлар етиштиришга ўқитилади. Минитехника, уруғ ва кўчатлар сотиб олишга “Ёшлар дафтари” жамғармаси ҳамда Фермерлар жамғармасидан субсидия ажратилади. Деҳқон ёшларга экспортчи ва қайта ишловчи тадбиркорлар кооперация асосида бириктирилади. Бундан ташқари, мева-сабзавот кооперацияларига банклар орқали 2 миллиард сўмгача кредит ҳам берилади.

Йиғилишда Ўзбекистон Президентининг шу йил 18 январдаги “Қишлоқ хўжалигига мўлжалланган ер участкаларини ижарага бериш тартибини тақомиллаштириш бўйича қўшимча чора-тадбирлар тўғрисида”ги Фармони ижросига ҳам тўхталиб ўтилди. Мазкур Фармонда 156 та туманда 15 минг 626 гектар қишлоқ хўжалиги ерлари онлайн аукцион савдоларига чиқарилиши белгиланган.

Давлатимиз раҳбари ушбу ерларни аҳолига яқин, суви ва умумдорлиги яхши жойлардан ажратиб, кооперация асосида экспортбоп экинлар экиш муҳимлигини таъкидлади. Ҳокимларга қўшимча ерларни ўзлаштириб, иш ўринлари учун захира яратиб бериш вазифаси қўйилди.

Йиғилишда муҳокама қилинган масалалар юзасидан мутасаддиларнинг ахбороти эшитилди.

Ў.А.

Ўзбекистон Республикаси Президенти Шавкат Мирзиёев номига

Туркман халқининг миллий етакчиси, Туркменистон Халқ Маслаҳати Раиси Гурбангули Бердимухамедовдан Ўзбекистонда Махтумқули Фироғий таваллудининг 300 йиллигини кенг нишонлаш тўғрисида қарор қабул қилингани муносабати билан миннатдорлик мактуби келди

Ўзбекистон Республикаси Президенти Шавкат Мирзиёев Жаноби Олийларига

Ҳурматли Шавкат Мирмонович, Қадрли биродарим,

Аввало, Сизга ўзининг самимий саломларини йўллаб, Туркменистон ва Ўзбекистон Республикаси ўртасидаги дўстлик, қардошлик ва яхши кўшнчилик муносабатларини ривожлантириш ҳамда мустақамлашга қўшаётган улкан шахсий ҳиссангиз учун чуккур миннатдорлик билдираман.

Сизнинг буюк туркман шоири ва мутафаккири Махтумқули Фироғий таваллудининг 300 йиллигини кенг нишонлаш тўғрисида қабул қилган қарорингиз бунинг яна бир яққол ифодаси бўлди.

Гуманист ва маърифатпарвар шоир сифатида ўзининг ижоди ва фалсафий мероси билан инсоният маънавий хазинасидан абадий жой олган Махтумқули Фироғийнинг жаҳон адабиёти ва маданияти тарихидаги алоҳида ўрни ҳақидаги фикрларингизга тўлиқ қўшилиман. Ва албатта, биз Махтумқулининг туркман ва ўзбек халқларининг ўзаро қардошлиги, дўстлиги ҳамда муштарак тақдирлари пойдеворини яратишга қўшган улкан ҳиссаси тўғрисида ҳамisha чуккур миннатдорлик ва ғурур туйғуси билан гапираман.

Ўзбекистон Махтумқулининг ҳаёти ва ижодида алоҳида ўрин эгаллайди. Улуғ шоир Хивада таълим олиб, Ўзбекистон тарихини жуда яхши ўрганиб, ушбу заминга

чинакам меҳр, унинг халқи ва аъённаларига катта ҳурмат ва эҳтиром ришталари билан боғланди.

Бугунги кунда Махтумқулининг шеърлари ўзбек тилида янграётгани, Ўзбекистондаги мактаб ва университетларда ўрганилаётгани табиий ҳолдир. Худди шу каби Туркменистонда ҳам Алишер Навоий, Мирзо Улуғбек, Мунис Хоразмий каби буюк ўзбек шоирлари, аллома ва мутафаккирларини билишди ва ҳурмат қилишди.

Ишончим комилки, Ўзбекистонда Махтумқули Фироғий таваллудининг 300 йиллиги кенг нишонланиши халқларимиз ва давлатларимиз ўртасидаги қардошлик ришталари мустақамлигининг, умумий тарихий тақдиримиз, ўзаро ҳамжиҳатлигимиз ва жипсликка доимо тайёр эканимизнинг яна бир ифодаси бўлади.

Қабул қилган қарорингиз учун яна бир бор миннатдорлигимни қабул қилишимизни сўрайман.

Фурсатдан фойдаланиб, Сизга мустақам сийҳат-саломатлик, бахт-саодат, давлатчилик ва сиёсий фаолиятингизда янги ютуқлар, Ўзбекистон халқига эса тинчлик ва равнақ тилайман.

Чуккур ҳурмат билан,

Гурбангули БЕРДИМУХАМЕДОВ,
туркман халқининг
миллий етакчиси,
Туркменистон Халқ Маслаҳати
Раиси

Биз ва жаҳон

ЮНЕСКО бош қароргоҳида ўзбек тили бетақроқ жозибасининг намоиши

ЮНЕСКО бош қароргоҳида 21 февраль — Халқаро она тили кунига бағишланган қатор тадбирлар ташкил этилди. Ушбу маърифий тадбирларда Ўзбекистон, Бангладеш, Хитой, Малайзия, Индонезия, Корея Республикаси, Озарбайжон, Россия, Украина, Руминия, Шри-Ланка, Сербия, Гватемала, Покистон, Филиппин, Гана ва Танзания вакиллари қатнашди.

Миллий тиллар кўргазмасида Ўзбекистон томонидан “Ўзбек тилининг изоҳли луғати”, мамлакатимиз вилоятлари, шаҳарлари ва буюк алломаларимиз ҳақидаги китоблар намоиш этилди.

Шунингдек, инглиз тилига таржима қилинган таълиқли ўзбек ёзувчилари асарлари ва мамлакатимиз бой маданий меросини тарғиб қилувчи алоҳида тақдирот ўтказилди. Ўзбек адабий тили асосчиси, буюк мутафаккир Алишер Навоий ижодий меросига бағишланган миниатюра асосида ишланган йирик деворий сурат иштирокчиларда катта таассурот қолдирди.

Тадбир қатнашчиларига ўзбек тили тарихи ва бу тилда ижод қилган улуғ алломалар, бой маданий меросимиз ва сўнгги йилларда мамлакатимизда турли халқлар тилларини тарғиб қилиш, ўрганиш ҳамда кўп миллатли Ўзбекистонда бағрикенглик, тинчлик ва тотувлиқни таъминлаш бўйича олиб борилаётган кўлами ишлар ҳақида батафсил маълумот берилди. Шу билан бирга, ЮНЕСКО бош конференциясининг 43-йиғилиши 2025 йилда Самарқанд шаҳрида ўтказилиши яна бир бор эътироф этилди.

Анжуманининг маданий қисмида Ўзбекистонда хизмат кўрсатган артист, Юнус Раҳабий номидаги Ўзбек миллий музика санъати институти доценти Моҳичеҳра Шомуротова томонидан ижро этилган миллий ўзбек мақомлари барчага хуш кайфият улашди.

«Дунё» АА.
Париж

ДЕЛЕГАЦИЯМИЗ ОСИЁ ПАРЛАМЕНТ АССАМБЛЕЯСИНИНГ 14-ЯЛПИ МАЖЛИСИДА ИШТИРОК ЭТДИ

Озарбайжоннинг Боку шаҳрида Осиё парламент ассамблеясининг 14-ялпи мажлиси бўлиб ўтди. “Осиёда барқарор ривожланиш йўлида минтақавий ҳамкорлиқни мустақамлаш” мавзусида ташкил этилган сессияда 40 та давлатдан парламент делегациялари, жумладан, 10 та давлатдан маърузачилар, шунингдек, қатор халқаро парламент ташкилотлари раҳбарлари ҳамда вакиллари иштирок этди.

Минтақа давлатлари ўртасидаги ҳар томонлама ҳамкорлиқни ривожлантириш, ўзаро ишончни мустақамлаш масалалари муҳокама қилинган тадбирда Олий Мажлис Сенати Раисининг биринчи ўринбосари С. Сафоев ҳам иштирок этди ва нутқ сўзлади.

Тадбир иштирокчилари минтақавий ва икки томонлама ҳамкорлиқни мустақамлаш, иқтисодий, ижтимоий ва маданий тараққиёт йўлида биргаликда чора-тадбирларни амалга ошириш, таълим ва маданият соҳасида ўзаро ҳамкорлиқни қучайтириш, ахборот алмашинувининг аҳамияти ҳақида ўзаро фикр алмашдилар.

Тадбир доирасида тузилмининг иқтисодий ва барқарор ривожланиш, бюджет ва режалаштириш, ижтимоий-маданий масалалар, сиёсий масалалар бўйича доимий комиссияларнинг йиғилишлари бўлиб ўтди.

Уларда иқтисодий ўсиш ва атроф-муҳитни муҳофиза қилиш, камбағаллиқни қисқартириш бўйича саъй-ҳаракатларни таъминлашда ОПА парламентларининг роли тўғрисидаги қарорлар лойиҳалари муҳокама қилинди. Барқарор ривожланиш мақсадларини амалга ошириш, иқлим муаммолари, Осиёда маданий хилмахиллиқни ривожлантириш ва маданий меросни ҳимоя қилиш, минтақада барқарор ҳаёт учун болалар ва ёшлар ривожланишига қўмаклашиш каби масалалар кўриб чиқилди.

Сессия якунида Боку декларацияси ва Осиё парламент ассамблеяси 14-ялпи мажлисининг якуний ҳисоботи қабул қилинди.

«Халқ сўзи».

Замонамиз қаҳрамонлари



СИАМ ЭГИЗАКЛАРИНИ АЖРАТГАН ЎЗБЕК ЖАРРОҲИ

Юртимизда олиб борилаётган слоҳотлар, яратилаётган шарт-шароитлар туфайли бошқа соҳалар сингари тиббиётимиз ҳам жадал ривожланмоқда. Мураккаблик даражаси турлича бўлган жарроҳлик амалиётлари муваффақиятли ўтказилаётгани ҳам буни яққол тасдиқлайди. Бугунги қаҳраонимиз — ўнлаб шогирдларнинг устози, юзлаб илмий мақолалар муаллифи, машҳур жарроҳ Ҳабибулла ОҚИЛОВ.

— Айни чоғда сизга ва ўзбек тиббиётига катта шукрат келтирган тарихий воқеа — сиам эгизакларида ўтказилган муваффақиятли жарроҳлик амалиёти ҳақида суҳбатлашсак. Бу ўринда гап қирғизистонлик Фотиима ва Зухра ҳақида борапти. Унга тайёргарлик жараёнида, худди биринчи сафар бўлганидек, хориждан кучли-кучли жарроҳларни, масалан, россиялик ҳамкасбларни чақирсак бўларкан, деган ўй ўтди-ми-йўқми?

— Сал орқага қайтадиган бўлсак, 2006 йили қашқадарёлик эгизакларда худди шундай жарроҳлик амалиёти ўтказганмиз. Ҳозиргача бутун дунёда 7 ёки 8 та давлатда бундай жарроҳлик амалга оширилади. Ўзбекистон ҳам ана шулар қаторига қўшилганидан, албатта, қувонамиз.

Тайёргарлик жараёнида устозлар, ҳамкасблар билан

Видеолавҳада кўринг



маслаҳатлашдик. Ушанда шу ишларнинг тепасида турган устозим, академик Феруз Назиров “Бу амалиёт биз учун янгилик, агар чақирсак бошимиздаги тожимиз тушиб кетмайди”, деб маслаҳат берди. Шу тариқа россиялик академик Сергей Готьени таклиф этганмиз. Кейин у билан биргаликда ҳаракат қилдик. Шу жараёнда бизнинг шифокорлар ҳеч бир жабҳада улардан қолишмаслигига амин бўлдик. Қолаверса, соҳада олиб борилаётган янгиланишлар туфайли ишлашимиз учун барча шарт-шароит яратилди. Шу боис бу сафар ўзимиз ўтказишга қарор қилдик.



ДАВЛАТИМИЗ РАҲБАРИНИ ҲАЯЖОНГА СОЛГАН ЛОЙИҲА

«Ибрат фарзандлари» жадид боболаримиз орзуларини рўйбга чиқармоқда

Буюк маърифатпарвар, жадид бобомиз Исоҳқон Ибрат беш тилни мукамал билган. Бу унинг жаҳонда бўлаётган ўзгаришлар, иқтисодий юксалишлар билан мунтазам танишиб боришида, замонавий билимларни эгаллашида, маънавий уйғоқлигида муҳим ўрин тутган.

Дил сўзи

Учинчи Ренессанс пойдеворини яратётган, тараққиётнинг янги босқичига кўтарилаётган мамлакатимиз учун бугунги куннинг Исоҳқон Ибратлари жуда зарур. Президентимиз жадид боболаримизнинг ҳаёти, беназир фаолияти, бебаҳо меросини ўрганиш ҳамда тарғиб қилишга давлат сиёсати даражасида эътибор қарат экан, бу борада қатор ташаббус ва тақлифларни илгари суриб, барча лойиҳани қўллаб-қувватлаб келмоқда.

Биз ҳам бундан руҳланиб, давлатимиз раҳбарига бир йил муқаддам бир миллион нафар ёшга қатор хорижий тилларни бепул ўргатиш бўйича “Ибрат фарзандлари” лойиҳасини тақдирот қилдик.

Лойиҳа орқали жадид боболаримиз хотирасини тиклаш ва уларнинг ишларини давом эттиришни кўзлагандик. Чунки, ўша пайтда бу гоёя ишончи очинг эди. Лекин Юртбошимиз жамоамизни руҳлантирган, ҳаракат қилсак, қўзланган маррани забт этиш мумкинлигига ҳаммамизни ишонтирганди.

Президентимиз Андижон вилоятига ташрифи чоғида ёшлар билан мулоқотга киришганида лойиҳа доирасида амалга оширилган ишлар, қўлга киририлган натижалар ва келгуси режалар ҳақида сўзлаб бердим. Жумладан, юртимиз бўйлаб “Ibrat academy” платформаси орқали ҳозирги кунда 800 минг нафар йигит-қиз хорижий

тилларни бепул ўрганаётганини айтдим. Бу бизни қониқтирмаслигини, келгусида ишларимизни янада кенгайтирмоқчи эканимизни билдирдим. Чунки, бугун Андижон вилоятининг ўзида 43 минг нафар ҳамюртимиз лойиҳа иштирокчиси сифатида хорижий тилларни бепул ўзлаштираётган бўлса, истиқболда бу кўрсаткичи 100 минг нафарга олиб чиқмоқчи эканимизни таъкидладим.

Давлатимиз раҳбари “Мени ҳам ҳаяжон босадиган пайтлар бўлар экан. Андижонда 100 минг фарзандимни бепул ўқитиб бераман деганимиз, тасаввур қилинг, бу қандай ютуқ. Чарчоқларим ҳам чиқиб кетди, ишонаверинглар. Ҳеч орқага қайтмасдан, ёшларга ўрнак бўлиб, мана шу платформани ташкил қилиб, амалга ошириб юрганимиз — жонажон Ватанмиз, янги Ўзбекистонга садоқат билан хизмат қилаётганимиз. Бунга Ватан унутмайди”, деганида жамоа кайфияти юз қарра ошиб кетди.



Янги Ўзбекистоннинг тараққиёт стратегияси

Ўзбекистон Республикаси Президентининг «Ўзбекистон — 2030» стратегиясини «Ёшлар ва бизнесни қўллаб-қувватлаш йили»да амалга оширишга оид давлат дастури тўғрисида»ги Фармони лойиҳасининг жамоатчилик ва экспертлик муҳокамаси натижалари

Кенг жамоатчилик муҳокамаси

1 — 15 февраль кунлари
www.uzbekistan2030.uz,
regulation.gov.uz
веб-порталлари ва оммавий ахборот воситалари ҳамда ижтимоий тармоқлар орқали амалга оширилди.

Фикр ва таклифлар

30 мингтани ташкил этди, бу ўтган йилдагига нисбатан қарийб 4 баробар кўп деганидир.

Мамлакатнинг йирик олий ўқув юртиларида

10 мингга яқин талабалар ва профессор-ўқитувчилар иштирокида 50 га яқин муҳокама ҳамда бошқа тадбирлар ўтказилди.

Муҳокама доирасида

34 млн. абонентга 566 млн.та sms-хабарнома юборилди.

Катта аудиторияга эга сайтларда 2 мингга яқин ахборот ва таҳлилий мақолалар жойлаштирилди.

